



**TATA IBADAH PARTONGGOAN KELUARGA
GKPS PADANG BULAN - RESORT POLONIA**

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>



Topik: Naibata Pataridahkon kuasani Marhitei Bencana Alam

Parambilan: Pdt. Reliana Sinaga, **Paragenda/Doding:** Sy. Friska Purba;

Singer: Ny.Binsaudin Saragih, Ny.John Henry Sumbayak,

Tonggo Syafaat: Sy.Sri Wahyuni

Panorang: Jumat, 18 September 2020

1. VOTUM-INTROITUS-TONGGO

P: Ibagas goran ni Naibata Bapa pakon Tuhan Jesus Kristus ampa Tonduy Napansing, Sitompa langit pakon tanoh on. Amen.

Ale Naibata, Ham do Naibataku na hupindahi, horahan do tonduyhu Bamu, siholan do dagingku Bamu songon tanoh na dorging anjaha na horah, na so marbah. Haleluya.

Martonggo ma Hita!

Ham, Tuhan Naibat Bapanami, mangkatahon tarima kasih do hanami halani na dob ipatar Ham diri-Mu marhitei hata-Mu. Ojur Ham ma hanami ase tongtong ihaporluhon hanami manjalohon pakon mangkorjahon hata-Mu. Pasada Ham ma hanami na martumpu on, ase tongtong sada, songon Ham na sada pakon Jesus Kristus Anak-Mu. Suruh Ham ma Tonduy-Mu Tonduy Na Pansing laho manrahut hasadaonnami, ase lambin marsangap janah marmulia goran-Mu marhitei goluhnami. Ibagas goran-Ni Tuhan Jesus Kristus, ipaondos hanami tonggonami on. Amen.

2. Mandoding 408. Haleluya Puji ma Tuhan (1-2)

1. Haleluya puji ma Tuhan, pasangap marhiteihon gondrang na laingan Irandu pakon inggou na lurlur homa tangaron
Dodingkon ma doding na baru, Puji ma la bai hotakNi na ibabou
Janah olobkon ma riap marmalas uhur.
Sai tarbarita baen goran-Ni, Gok halongangan ganup jadi-jadian-Ni
Puji Tuhan Haleluya!

2. Marmegah gok tarima kasih, Halani ganup pasu-pasu 'ge layak-Ni
Hubanta na totap sirsir tong mambalosi.
Tunggung tumang do tong Tuhanta, la do Raja ni ganup sagala raja
Ningon hu Bani do unduk ganup marsombah
Sai tarbarita baen goran-Ni , gok halongangan ganup jadi-jadian-Ni
Puji Tuhan Haleluya

3. Mambasa Parmahan Na Madear

4. Mandoding 442. Bai Pardalanan ni Goluhku (1-2)

1. Bai pardalanan ni goluhku, ningon do Jesus i lambungku
Golap do tong huidah ge siang ni ari,
Anggo lang Jesus ilambungku manondangi
Ai hataMu Tuhan panondang na totap,
na manondangi uhur na golap
Megah mardalan au, hinsah tunggung jagar,
ai ham manogu au bai dalan na lihar
Bai pardalanan ni goluhku, ningon do Jesus i lambungku
Golap do tong huidah ge siang ni ari,
Anggo lang Jesus ilambungku manondangi

2. 'Ge pe buei roh parmaraan, seng pala au be sai songgotan
Lombang na bagas buntu-buntu hudalani,
Hubotoh Jesus do tongtong mangkasomani
Ai hataMu Tuhan panondang na totap,
na manondangi uhur na golap
Megah mardalan au, hinsah tunggung jagar,
ai ham manogu au bai dalan na lihar
Ge pe buei roh parmaraan, seng pala au be sai songgotan
Lombang na bagas buntu-buntu hudalani,
Hubotoh Jesus do tongtong mangkasomani

5. Tonggo Pangapition

6. Mandoding 374. Dunia Torus na Bolus (1-3)

1. Dunia torus na bolus, sai buei hajengeson ni.
Hape lalab lang marnasombuh, nasininta ni uhur ijin.
2. Hu kehen huluan hita, sai na paspis do haganup.
Holsohan do lao mansarihon , na mambaen hagoluhan ni bei,
3. Sihol do tongtong uhurni, bani arta na itanoh on.
Hape itadingkon uhurni, ganup arta na tarsulur in.

7. Ambillan : 1 Raja-raja 19:9-18

8. Mandoding 454. Jesus Pangarapannami (1+2)

1. Jesus pangarapannami, roh ma Ham bannami on.
Ham pabayu goluh nami, na dob tinobus-Mu on.
Ai iruntas Ham hurungan, na manrahut hanai on.
Sai bobahon Ham ganupan, bangsa na itanoh on.
2. Gabe tinompa na baru, bahen Ham hanami on.
Janah bangsa sipangihut, bani dalan na sintong.
Boi mangidah hamegahon, in ma harajaon-Mu in.
Pargogohi manundalhon, goluh hagolapan in.

9. TONGGO GALANGAN – TONGGO PENUTUP

P. Martonggo ma hita mangondoskon galanganta bani Naibata

Ham Tuhan Naibata Bapanami na i nagori atas. Tarima kasih ampa puji-pujian ma isombahkon hanami hu Bamu. Domma ijalo hanami hata-Mu na pinadasni juak-juak-Mu. Pargogohi Ham ma hanami mandalankon in bani goluhnami siganup ari. Bani panorang on iondoskon hanami ma dirinami pakon pasu-pasu na dob binere-Mu bannami, na gabe galangan hatarimakasihonnami hu Bamu. Sai jalo anjaha pasu-pasu Ham ma galangannami on, laho pabolaghon harajaon-Mu pakon pararatkon hata-Mu i dunia on, na gabe hasangapon-Mu, ibagas goran ni Anak-Mu Tuhan Jesus Kristus Tuhannami. Amen.

Riap ma hita martonggo marhitei tonggo na iajarhon Tuhan Jesus hubanta:

Ham Bapa nami na inagori atas. Sai napapansing ma Goran-Mu. Sai roh ma harajaon-Mu. Sai saud ma harosuhni uhur-Mu inagori tongah on songon na inagori atas. Bere Ham ma bannami sadari on hagoluhan ari-ari. Sasap Ham ma dousa nami songon panasap nami bani dousa ni hasoman namardousa dampak hanami. Ulang hanami bobai Ham huparlajouan. Paluah Ham ma hanami humbani pangagou!
Ai Ham do simada harajaon pakon hagogohon ampa hasangapon sadokahni dokahni Amen.

P. Jalo hita ma pasu-pasu humbani Tuhan Naibata

Idobni uhurni Tuhanta Jesus Kristus pakon holongni ateini Naibata Bapa, ampa parsauran ni Tonduy Na Pansing ma mangkasomani hita haganupan, Amen

K: Diate tupa ma, bamu Ham Naibata

Ham Bapa na i Surga, diate tupa ma

Amen... (mandodingkon)